

استدینا

نومرو ۱۳

بچنبه

۴ کانون اول ۱۳۲۴

تجوز ايتمه جيڪا اڪلاشيلير. حتى صاحب ملڪك حقوق وحضورنى اخلاال ايدن هر يانجى حق مسافرتى اسقاط ايتش اوله جفندن دولتك او كيبلر حقننده استعمال ايده جيڪى حق طرد و اخراج آنلره بكنزهين رهبان حقننده دخى تعليق واننور،

۱۷۴۰ قاپتولاسيونسك مواد مذهبيه سنه دائر شو قدر ايضاحاتى كافى كورويورم كله جك مقاله مده بو عهدنامه نك قونسلوسلره وبر صنف مستخدمين ممتازيه عائد اولان احكامندن بحت ايده جكم.

ابن الضيا

ازهار مطالعه

يكر منجى عصر ابتداسنده برتانيا ايمپراطورلنى

(امپهرياليزمك بحرانى)

اون ايكنجى نسخهدن مابعد :

زمان امپهرياليزم پروغرامنك تحقى ايجون دكلسه بيله عسكرى وبجبرى اتحاده، امتيازات تجاريه استحصالنه طوغرى قطبى برآديم آتمق ايجون بك مساعد كورينبوردى. فقط تمام بووقنده مشكلات باش كوستردى. قونغه رانس، امپهرياليزمك اعماقنده موجود اولان اختلافلى، مركز حكومت ايله مستملكاتك نقاط نظرى آره سنده كى فرقلى ميدانه چيقاردى .

بو قونغه رانس -نده بويوك برتانيا نك آلى مستقل ومختار مستملكاتى باش وكيلىلرنى بولندير مقدمه ايديلر . قانادا باش وكيلى يانسه قانادانك مدافعه ، ماليه ، كمر ك پوسته ناظرى ده آلمشدى . اوسترااليا باش وكيلى نك ياننده ده مدافعه ناظرى واردى . بونك كى موسيو چبرلاينك ياننده ده كزلى دائره لر ينسه تعلق ايدر امورك مذاكراتنده بولنه بيلمك ايجون حربيه ناظرى، بحريه ناظرى ، صنايع ناظرى وار ايدى .

مستملكاتك اوج باش وكيلى موسيو چبرلاين ايله برابر قونغه رانسك باش

آق‌تورلری ایدی . دیگر اوچی ایسه بک اهمیتسز یررول آلمشردی .

ترنووک مرخصی، سیر روبر بوند و ناتالک مبعوثی سیر آلبرت هم نفوس قلیله نامنه اداره کلام استیکاری ایچون رأیلری بکده مظهر قبول اولموردی . اراضیسنک وسعتی و نفوسنک کثرتیله ممتاز اولان قاب مبعوثی سیر غوردون سیریغ بشقه زمان اولسه رأینی انفاذ ایدردی . فقط قاب اهالیسنی تشکیل ایدن یازم ملیون بیاض آدمک اکثریتی دکلسه بیله یاریسی دهادون حال عصیانده ایدیلر . بوندن بشقه بو خلقک قسم اعظمی ، روایالیستلر سیر غوردون (سیریغ) ک کندیلرینه اهانت ایتدیکنی ادعا ایدیورلردی . چونکه سیر غوردون سیریغ مستملکات قانون اساسیسنک تعلیقنه ممانعت ایدرک قاب اهالیسنی آفریقاندلرک استقامنه ترک ایتش ایدی . بو احوالدن طولانی بو ناظرک نفوذی تام دکلدی . بناء علیه اوده مهم بر رول اوینایه مازدی .

دیگر اوج باش وکیلک موقعی ایسه بسبتون بشقه درلو ایدی . دقت عمومی بی اک زیاده جلب ایدن سیر ویلفرید لوریه ایدی . چونکه سیر ویلفرید لوریه قانادانک مرخصی ایدی . قانادا ایسه بش بحق ملیون نفوسنه مالک اولمغله برابر مستملکاتک اک بونوکی ، اک مسعودی ، اک غلبه لکی ایدی . بوندن ماعدا سیر ویلفرید لوریه فرانسر قانادایلرندن اولدیغندن بالخاصه کندی همشیریلری نامنه اداره کلام ایدیوردی . بو مرخصک امپریالیزم مسائلی حقنده سرد ایده چکی افکاره کمال مراق ایله انتظار اولنیوردی . انکلتزیه مواصلت ایدر ایتمز ضیافتلرده ، باش وکیللرک دعوت اولندیغنی اجتماعلرده سربستهجه اداره کلام ایتمهکله باشلادی و نطقلرنده اکلاشمدی که قانادا بونوکی بریتانیایه بعض امتیازات تجاربه اعطاسنه موافقت ایله مکده ایسه ده بر اتحاد عسکرییه راضی دکلدر . موسیو لوریه نطقلرینک کافه سنده بریتانیا امپراطورلغنی «میلیتاریزم» قاصرغهنه طوتلمش کورمکدن محترز واندیشنک کورینور و قانادانک بو طوزاغه کندی قایدیرمیه جغنی علناً سرد واتیان ایله یوردی . غایت جالب دقت بر ملاقات ائناسنده انکلترونک سیاسی نقطه نظرله مستملکاتک علی الخصوص قانادانک نقطه نظری آرمسنده کی اختلافی

شو صورته ایضاح ایله مشدر :

«بوراده - اوروپاده - کیمکه کوروشورسه کز کوروشو کز، (سیاسیون، مالیون، غزته جیلر جهله سی) شو نتیجه به واصل اولورسیکنز که یکنه دوشونجه لری حرب امکان و احتمالیدر . حرب بلکه نه بو کون ، نه یارین، نه ده او بر کون اولماز ، فقط کونک برنده بویوک بر محاربه حدود اوزرنده باش کورستره جک اصل مهم مسئله مملکت بو مدهش حاله قارشی نه یولده کنیدی حاضرلایور بونی بیلمکده در . بو فکر تکمیل سیاستلرینه حاکمدر : فکرلرندن بو نقطه یی هیچ دور ایتمزلر . بز ایسه ، قاناداده سنه نك باشندن صوکنه قدر اصلا محاربه یی دوشونمه یز . بر محاربه احتمالی فکر مزه دائماً هجوم ایتمک شویله طورسون هیچ وارد خاطر اولماز . ایشته هر شیدن زیاده بو حالدرکه هر نه اولورسه اولسون قانادانک اسکی دنیایک غوائل عسکریه سنه قارشمسنی منع ایتمک ایچون بی سوق ایتمکده در.»

استانبول، ۱۴ تشرین ثانی ۲۲۴

عینی زاده

حسن محسین

بیلیو و عراق

مدخل حقوق دول

حقوق ، ملکیه . دارالفنون کی مختلف مدارس عرفانک شایان حرمت معامی محمود اسمعقندی خضر تلری فقه ، طبیعیات ، اقتصاد ، اجتماعیات و حقوق کی هر بری بر عمان بی پایان اولان علوم عدیده ده کی اختصاصلری کوسترن آثار کثیره لرینه بر لاحقاً جمیله اولاق اوزره حقوق دول حقنده الک فلاسیک بر کتاب اولاق حسیله اورویا دارالفنون برنده مظهر رغبت اولان «بو نفیس» ک بحاله نفیسه سنی - تلخیصاً و تویماً - ترجمه ایله لسانگزک بر احتیاج شدیدنی تطمینیه بذل حیت بیور مشلدر .

معتم محترم بوندن اون سنه اول مکتب ملکیه ده اب عرقانز علی شهبازک